

NAQQIUT

Siunnersuut 26. septembari 2024-meersoq taarserneqarpoq
(Tusarniaanermit allakkiami oqaatsitigut naqqiutit)

Uunga siunnersuut:

**Sumiiffinni immikkut toqqakkani takornariatitsisarnernut akuersissuteqartarneq
pillugu Inatsisartut inatsisaat**

Kapitali 1

Atorneqarfia aamma taaguutit

§ 1. Inatsisartut inatsisaat takornariaqarnermi neqeroorutinut atuuppoq.

Imm. 2. Inatsisartut inatsisaat una atorlugu neqerooruteqarnermi, tuniniaanermi sullissinermiluunniit illuutit, aqqusernit, sanaartukkat aalajangersakkamut matumunnga ilaatinneqarput.

Imm. 3. Takornariatitsinermut, sumiiffinni nunami aalajangersimasuni zone-nut agguasarneq il.il. pillugu inatsisartut inatsisaat malillugu takornariatitsinermut akuersissutillit ingerlataannut inatsisartut inatsisaat una atuutinngilaq.

§ 2. "Takornariatutut" isigineqartarpoq inuk angalasoq inuup pineqartup nalinginnaasumik najortakkami ineqarfigisamiluunniit avataanut, aammalu angalaneq tamarmiusoq taassumaluunniit ilaa nuannaarniutigalugu, qasuersarluni imaluunniit sulinnigiffeqarluni ingerlattaraa, tamatumunngalu atatillugu kiffartuussinernik pisiortortarluni.

Imm. 2. "Takornarissanut neqeroorutitut" taaneqartoq tassaavoq suliaq imaluunniit ingerlataq takornarissanut akiliuteqarnikkut tunniunneqartoq.

Imm. 3. "Takornarissanut neqerooruteqarsinnaanermut akuersissummik" taaneqartoq tassaavoq sumiiffimmi killilersukkami takornariatitsinermut ataatsimik arlalinnilluunniit neqerooruteqarsinnaatitaaneq.

Imm. 4. Imm 3-mi allassimasut malillugit takornarissanut neqeroortitsisinnaanermut akuersissummik tunineqarsinnaavoq "pisinnaatitsissummik piginnittoq", taannalu inuusinnaavoq imaluunniit inatsisitigut inuusinnaavoq.

Imm. 5. Inatsisartut inatsisaanni matumani "neqeroortitsineq" tassaavoq, takornarissanut neqeroortitsisinnaanermut akuersissummik tamanut qinnuteqaqqusissut.

Imm. 6. Inatsisartut inatsisaanni matumani "kalaallit sulisut" tassaapput sulisinnaasut Kalaallit Nunaanni inuit allattorsimaffianni najugaqartutut nalunaarsorneqarsimasut.

Imm. 7. Inatsisartut inatsisaanni matumani "kalaallit pilersuisut" tassaapput pilersuisut Qitiusumik Suliffeqarfinnik Nalunaarsuiffimmi (CVR) Kalaallit Nunaanniittutut nalunaarsorneqarsimasut.

Kapitali 2

Takornarissanut neqeroorteqarsinnaanermut akuersissut

§ 3. Sumiiffinni nunami aalajangersimasuni takornarissanut neqeroortitsinissamut Naalackersuisut akuersissuteqartoqartariaqarneranik piumasaqarnissamut aalajangersaasinnaapput.

Imm. 2. Sumiiffimmi takornarissanut neqeroortitsisinnaanermut akuersissummik peqarnissamik piumasaqaateqarnera tungavigalugu sumiiffimmi allaanernik takornarissanut neqeroorteqartoqarsinnaanera mattunneqanngilaq.

§ 4. Inatsisartut inatsisaanni § 9-mi suleriesissatut nassuiarneqarsimasoq aallaavigalugu takornarissanut neqeroortitsisinnaanermut akuersissutinik nalunaaruteqartoqarsinnaavoq, toqqaanissamullu piumasaqaatit inatsisartut inatsisaanni § 10-mi allassimapput, minnerpaamillu piumasaqaataasussat § 11-mi allassimallutik. Takornarissanut neqeroortitsisinnaanermut akuersissut kisermaassinertalerlugu nalunaarutigineqassaaq.

Imm. 2. Imm. 1-imi allassimasut aallaavigalugit takornarissanut neqeroortitsisinnaanermut akuersissummik nalunaarfigineqarnissamut eqqarsaatigineqassagaanni, qinnuteqartup §§ 12-15-imut aammalu §§ 16-imi allassimasut naammassisinnaasariaqarpai. Piffissami akuersissuteqarfiusumi tamarmi pisinnaatitsissummik piginnittup piumasaqaatit naammassisinnaasariaqarpai.

Imm. 3. Takornarissanut neqeroorteqarsinnaanermut akuersissut Naalackersuisunit allakkatigut akuersitinneratigut allamut tunniunneqarsinnaavoq.

Imm. 4. Pisinnaatitsissummik pigisallit kikkut akuersissutinik pissarsisimanersut, akuersissut sumi atorneqarsinnaanersoq akuersissutillu sivisussusaa Naalackersuisunit tamanut saqqummiunneqarsinnaavoq.

Imm. 5. Imm. 1-imi allassimasut aallaavigalugit takornarissanut neqeroortitsisinnaanermut akuersissutinik tunniussisinnaanermut piumasaqaatit pillugit Naalackersuisut aalajangersaasinnaapput.

Imm. 6. Imm. 1-imi allassimasut aallaavigalugit takornarissanut neqeroortitsisinnaanermut akuersissutinik nalunaaruteqarsinnaaneq kommuninut tunniunneqarsinnaanera pillugu Naalackersuisut aalajangersaasinnaapput.

§ 5. Takornarissanut neqeroortitsisinnaanermut akuersissutit ukiut 20-t tungaannut sivisussilerlugit nalunaarutigineqarsinnaapput.

Imm. 2. Akuersissummut piffissaliussaq ukiut 20-t tikillugit Naalackersuisunit sivitsorneqarsinnaavoq. Sivitsuineq pillugu nalunaaruteqarnermi piumasaqaatit allanngortinneqarsinnaapput.

Imm. 3. Qanorluunniit imm. 1-imi 2-milu allassimasoqaraluarpat, takornarissanut neqeroortitsisinnaanermut akuersissummut piffissaliussaq ukiut 30-t sinneqqusaanngilai.

§ 6. Inatsisartut inatsisaat aallaavigalugu ingerlatat pillugit pisortaqarfinni sulianik ingerlatsisoqarsinnaanissaa anguniarlugu pisinnaatitsissummik piginnittup paasissutissat pisariaqartinneqartut Naalakkersuisunut nalunaarutigissavai.

Imm. 2. Nalunaaruteqartussaataaneq pillugu Naalakkersuisut aalajangersaasinnaapput, tassanilu paasissutissiissuteqartussaanerup annertussusaa paasissutissallu suut qanoq nassiunneqassanersut aalajangersarneqarsinnaavoq.

§ 7. Kommunimi takornarissanut neqerooruteqarsinnaanermik akuersissuteqarfiusumi Naalakkersuisut nalilersuisussamik ataatsimiititaliamik pilersitsinissamut atuinissamullu aalajangersinnaapput.

Imm. 2. Nalilersuisarnermut ataatsimiititaliaq inatsisartut inatsisaat una aallaavigalugu akuersissuteqarnissamut qinnuteqaatinik assigisaannillu Naalakkersuisut noqqaassuteqarneratigut inassuteqaasiussapput.

Imm. 3. Naalakkersuisut nalilersuisarnermut ataatsimiititaliamut ilaasortassanik siulittaasussamillu toqqaasinnaanermut kiisalu taasisarnermut malittarisassanik aalajangersaasinnaapput.

§ 8. Inatsisartut inatsisaanni § 3-mi, §§ 12-15-mut aammalu §§ 17-18-imilu aalajangersakkat aammalu inatsisartut inatsisaanni matumani aalajangersakkanut allanut immikkuullarissumik pisoqartillugu piumasaqaatinut Naalakkersuisut immikkut akuersissuteqarsinnaapput.

Kapitali 3

Takornarissanut neqerooruteqarsinnaanermut akuersissummik nalunaaruteqarneq

§ 9. Takornarissanut neqerooruteqarsinnaanermik akuerissummik neqeroortitsisoqareerneratigut aammalu nalilersuinermit ataatsimiititaliamut naapertuuttumut tusarniaasoqareernerata kingorna takuuk siunnersuummi § 7 tunniussisoqarsinnaavoq. Naalakkersuisut neqeroortitsinermit tamanit takuneqarsinnaasumik Naalakkersuisut nittartagaatigut tusagassiorfitsigullu saqqummersitsissapput, taannalu minnerpaamik ulluinnarnik 45-nik sivisussuseqassaaq.

Imm. 2. Naalakkersuisut periarfissaqarput siusinnerusuklut neqeroortitsiffioreersup iluani nutaamik neqeroortitseqqeqqaanngikkaluarlutik sumiiffimmut akuersissuteqarnissamut, tamannalu pisinnaavoq qinnuteqaat kingusinnerpaamik neqeroortitsinerup naaneranit qaammatit 18-it tikitsinnagu tigusimagaanni.

Imm. 3. Suleriaaseq imm. 1-imi Imm 2-milu nassuiarneqarsimasoq malillugu qinnuteqartoqaraluartoq Naalakkersuisut akuersissummik tunniussinngiinnarsinnaapput.

§ 10. Neqeroortitsinermi ataani allassimasut toqqaasarnermi piumasagaatigiussapput taamaakkaluartoq takuuk Imm. 2:

- 1) Qinnuteqartup takornarissanut neqerooruteqarsinnaanermut akuersissummi piumasagaatinik ingerlatsisinnaassusaa.
- 2) Qinnuteqartup takornarissanut neqerooruteqarsinnaanermut akuersissummi piumasagaatinik suliaqarnissaminut aningaasaqarnikkut inissisimanera.
- 3) Qinnuteqartup ingerlatsinissamut pilersaarusiassatut missingiussaani allassimasut aallaavigalugit takornarissanut ataatsimik arlalinnilluunniit neqerooruteqarnissaminut siunniussisimanersoq.
- 4) Qinnuteqartup sumiiffimmi sumiiffiulluunniit ilaani takornariartitsinissamut neqerooruteqarsinnaanermut akuersissummik pissarsissagaluaruni ingerlatsinissaminut ussasaarinissaa, neqerooruteqarnissaa tuniniaanissaalu pilersaarusiaaluunniit.
- 5) Qinnuteqartup takornarissanut neqerooruteqarnissaminut ingerlatsinissaminullu piujuaannartitsinermik tunngaveqartumik ingerlatsinissaanut taannalu pinngortitamik, avatangiisinik, silaannaap pissusaanik, sulisinnaasunik inuiaqatigiinnilu soqutigineqartunut naapertuuttumik ingerlatsisinnaanissaanut piginnaasai pisinnaassusaalu.

Imm. 2. Imm 1-imi allassimasut saniatigut Naalakkersuisut piumasagaatinik naapertuuttunik, kinaassusersiunngitsunik immikkoortiterinngitsunillu toqqaanissaminut piumasagaasersuisinnaapput, taamaaliortoqarsinnaavorlu qinnuteqartunik naliliinermi naligiittoqarnerani.

Imm. 3. Piumasagaatit mm. 1-imi 2-milu eqqaaneqartut § 9-mi imm. 1-imi allassimasut akornanni qanoq oqimaalutaasoqassanersoq neqeroortitsisoqarnerani tamanut saqqummiunneqassapput.

§ 11. Neqeroortitsisoqarneranut atatillugu Naalakkersuisut minnerpaamik piumasagaataasussanik aalajangersaassapput, qinnuteqartullu akuerineqarnissaanut pinngitsooratik naammassineqartariaqarlutik.

Kapitali 4

Pisinnaatitsissummik piginnittoq

§ 12. Takornarissanut neqeroortitsisinnaanermut akuersissut inunnut ukununga tunniunneqarsinnaavoq:

- 1) Kalaallit Nunaanni ukiuni tallimani kingullerni najugaqartut nalunaarsorsimasoq,
- 2) Kalaallit Nunaanni tamakkiisumik akileraartussaataasoq,
- 3) Tamakkiisumik pigisaminik atuisinnaasoq, akiliisinnaajunnaartutut, akiliisinnaanngitsutut imaluunniit sulianik unitsitsisutut inissisimassanngilaq, aammalu
- 4) Pisorta qarfinnut 100.000-init annertunerusumik akilerneqanngitsunik akiitsoqanngitsaq.

§ 13. Takornarissanut neqeroortitsisinnaanermut akuersissut inatsisitigut inunnut ukununnga tunniunneqarsinnaavoq:

- 1) Kalaallit Nunaanni ingerlatsivittut aningaasaliiffiusutut imaluunniit suliffeqartittut nalunaarsorneqarsimasoq,
- 2) suliffeqarfik akiliisinnaajunnaartutut, akiliisinnaangitsutut imaluunniit sulianik unitsitsisutut inissisimassanngilaq,
- 3) ingerlatseqatigiiffiup nammineq aningaasaataasa affai sinnerlugit toqqaannartumik toqqaannangitsumilluunniit inuit piginnittuusut § 12-imi allassimasunik naammassinnissapput,
- 4) suliffeqarfimmi peqataasut affai sinnerlugit § 12-imi nr. 1-mit 4-mut allassimasunik naammassinnissinnaassapput, aammalu
- 5) suliffeqarfik Naalakkersuisunut 100.000 kr.-init annertunerusunik akiitsoqassanngilaq akilerneqanngitsunik.

Kapitali 5

Isumannaallisaanermut pilersaarutit

§ 14. Takornarissanut neqerooruteqarsinnaanermut akuersissummik nalunaaruteqartoqarsinnaaneranut qinnuteqartoq sillimaniarnermut pilersaarusiamik allaganngukkamik suliaqarsimassaaq.

Imm. 2. Akuersissut aallaavigalugu takornarissanut neqeroorutaasussatut ingerlatassanut kissaatigineqartunut tamanut sillimanermut pilersaarusiortoqarsimassaaq.

Imm. 3. Sillimaniarnermut pilersaarusiaq suknulluunniit allaganngorlugu kalaallisut aamma tuluttut takornarissanut tigorianaannorlugu inissinneqassaaq.

Imm. 4. Sillimaniarnermut pilersaarusiaq nalorninaatinik nalilersuinerneq aamma sillimaniarnermi iliuuserineqartussanik atuuttunik imaqassaaq.

Imm. 5. Nalorninaatinik nalilersuinerup suliarineqarnerani takornarissanut paasinartumik imaqarluartumillu paasissutissartalerlugu suliarineqassaaq, tassanilu inatsisartut inatsisaat una atorlugu ingerlatanut nalorninaataasinnaasut pingarnerit nassuiarneqarsimassapput. Ingerlatsinerup aqqissuunneqarnerani nalorninaatinik nalilersuineq aallaavigalugu sulisunik, tassunga ilanngullugu angallassisunik, angallassinermut piffissaliussanik, pissutsinik nalilersuinerneq, atortunik toqqaanernik assigisaannillu nassuiaasoqassaaq.

Imm. 6. Upalungaarsimanermut pilersaarut ingerlatassaaq pillugu nalorninaatinik nalilersuinermit aallaaveqassaaq ukulu imarissallugit:

- 1) navianartoqartillugu ajutoortoqartillugulu iliuusissat nassuiarneqarneri,
- 2) ingerlatsinerneq atartillugu sulisunut ilisimassatigut, misilittakkatigut piginnaasatigullu piimasaqaatit suuneri, aammalu
- 3) qinnuteqartup sulisui navianartoqartillugu ajutoortoqartillugulu qanoq iliuuseqassanersut, tassunga ilanngullugu attaveqariaasissaaq.

Imm. 7. Imm. 1-mit 6-mut allassimasut atuutsinneqassanngillat, qinnuteqartup sumiiffimmi inatsit alla imaluunniit periuseq alla ingerlatsineq pillugu sillimaniarnermut piumasaqaatitaqareersoq atuutsissallugit pisussaaffilerneqarsimappat.

Kapitali 6

Sillimmasiineq sillimmateqarnissarlu

15. Pisinnaatitsissummik piginnittoq akisussaatinneqarnissamut sillimmaserneqartarnissaa allatigulluunniit sillimaniarnikkut qularnaveeqqusiiisoqartarsimanissaa Naalakkersuisut piumasaqaatigisinnaavaat.

Imm. 2. Imm. 1 -imi allassimasut atuutinngillat, takornarissanut neqeroorutaasartussaq pineqartoq pillugu inuussutissarsiutilinnut sillimmasiisoqarsinnaanngippat allatigulluunniit sillimaniarnikkut sillimmasiisoqarsinnaanera pisinnaanngippat.

Imm. 3. Imm. 1-imi allassimasut aallaavigalugit Naalakkersuisut akisussaatinneqarnissamut sillimmaserneqartarnissaanut allatigulluunniit sillimaniarnikkut qularnaveeqqusiiisoqartarsimanissaanut aalajangersaasinnaapput.

Kapitali 7

Kalaallit Nunaanneersunik sulisoqarneq pilersuisoqarnerlu

§ 16. Takornarissanut neqerooruteqarsinnaanermut akuersissut aallaavigalugu suliaqarnissamut atatillugu kalaallinik sulisitsisinnaanermut aammalu kalaallinik nioqutissanik kiffartuussinernilluunniit pilersuisoqarnissamut Naalakkersuisut aalajangersaasinnaapput.

Kapitali 8

Pisinnaatitsissummik pigisallip takornarissanut neqerooruteqarsinnaanermut akuersissummik tunineqarnerminut atatillugu pisussaaffii

§ 17. Pisinnaatitsissummik piginnittoq suliarninik aallartitsigani akuersissut aallaavigalugu takornarissanut neqeroorutigisassani pillugit ingerlatsinissamut pilersaarusiortoqartariaqarpoq, taannalu Naalakkersuisunit akuerineqaqqaartariaqarpoq suliat aallartinnginnerini.

Imm. 2. Ingerlatsinissamut pilersaarummi naapertuussuseq aallaavigalugu makkua ilanngunneqassapput:

- 1) Suliniutip ineriartortinneqarnissaanut anguniagassatut pilersaarutit nassuiarneqarneri.
- 2) Akuersissummik ingerlatsinissamut atatillugu pilersaarutit qanoq aallartisarniarneqassanersut, illunik, sanaartukkanik assigisaannillu qanoq atuisoqassanersoq nassuiarneqassaaq.

- 3) Akuersissummik ingerlatsinissamut atatillugu § 2-mi imm. 6-imi allassimasut malillugit kalaallini sulisinnaasunik atuinissaq aammalu § 2-mi imm. 7-mi allassimasut malillugit kalaallinik nioqputissanik kiffartuussissutinillu pilersuisunik qanoq atuisoqassanersoq nassuiarneqassaaq.
- 4) Akuersissummik ingerlatsinissamut atatillugu pisinnaatitsissummik piginnittup sillimaniarnermut piumasaqaatit qanoq naammassineqarnissaannik qulakkeerinninniarnera nassuiarneqassaaq
- 5) Akuersissummik ingerlatsinissamut atatillugu pisinnaatitsissummik piginnittup suliassai suleriuusissaalu aalajangersimasut nassuiarneqassapput, tassanilu qulakkeerniarneqartoq tassaavoq pisinnaatitsissummik piginnittoq, pisinnaatitsissummik piginnittup sulisui, suleqatigisat, takornarissat inuillu allat ajoqusernissaminut navianartorsiunnginnissaat.
- 6) Pisinnaatitsissummik piginnittup pinngortitamut illersuinissamut, avatangiisinut illersuinissamut, aalisarnermut aamma pisiniarnermut aammalu sulinermut ataatsimullu isumaqatigiissutaasunut pisussaaffinnut qanoq naammassinninniarnersoq nassuiarneqassaaq.
- 7) Pisinnaatitsissummik piginnittup akuersissuteqarnerup unitsinneqarnerata kingorna avatangiisinut qanoq aaqqeeqqinniarnera nassuiarneqassaaq.

Imm. 3. Pissutsit allangorneri pequtaallutik ingerlatsineq allangussappat, taava pisinnaatitsissummik piginnittoq piaartumik kingusinnerpaamillu allangortoqarnerani qaammatit pingasut qaangiutsinnagit ingerlatsinissamut pilersaarummik nutartikkamik Naalakkersuisunut akuerisassanngorlugu nassiussissaaq.

§ 18. Takornarissanut neqerooruteqarsinnaanermut akuersissummut atatillugu pisinnaatitsissummik piginnittoq ingerlatsisimaneq pillugu ukiumut Naalakkersuisunut nalunaaruteqartassaaq.

Imm. 2. Naalakkersuisut pisinnaatitsissummik piginnittut nalunaaruteqartarnerat pillugu sukumiinerusumik aalajangersaasinnaapput.

§ 19. Nalunaaruteqarnermit paasissutissat pissarsiarineqartut pisortaqaqfinnut allanut Namminersorlutillu Oqartussat suliffeqarfutaannut Naalakkersuisunit siammarterneqarsinnaapput.

Imm. 2. Inatsisartut inatsisaat aallaavigalugu takornarissanut neqerooruteqarsinnaanermut akuersissutit pillugit naatsorsuutinik Naalakkersuisut saqqummersitsisinnaapput.

Kapitali 9

Akitsuutit akitsuutinullu akiliutit

§ 20. Pisinnaatitsissummik piginnittoq takornarissanut neqerooruteqarsinnaanermut akuersissuteqarnerminut atatillugu ukiut tamaasa akitsuutinut akiliisassaaq, takuuk §§ 21 aamma 22. Akitsuut Naalakkersuisunut isertitsissutaassaaq.

Imm. 2. Takornarissanut neqeroorsinnaanermut akuersissuteqarnerup aallartinnerani akitsuummik akiliisussaataaneq aallartissaaq.

Imm. 3. Akitsuutitut akiliinissamut kingusinnerpaamik ukioq akitsuutitut akiliiffiusussami decembarip naanera ulluliunneqarpoq.

§ 21. Akiliilluni aalisartitsisartunut akuersissutit tunngaviusumik aammalu ilassummik akitsuuteqarpoq.

Imm. 2. Tunngaviusumik akitsuut ukiumut 2,500 kroniuvoq.

Imm. 3. Ilassutitut akitsuut inummut ullormullu ataatsimut 130 kroniussaaq.

Imm. 4. Imm. 2-mi Imm. 3-milu aningaasat annertussusaat ukiumut annertussuseq procentinngorlugu naleqqussaataasartooq atorlugu aaqqiissuteqartoqartassaaq.

§ 22. Akuersissutitut § 21-mi allassimasunut attuumassuteqanngitsunut ukiumut akitsuut 7.500 kroniussaaq.

Imm. 2. Imm. 1-mi aningaasat annertussusaat ukiumut annertussuseq procentinngorlugu naleqqussaataasartooq atorlugu aaqqiissuteqartoqartassaaq.

§ 23. Inatsisartut inatsisaat una aallaavigalugu pisinnaatitsissummik piginnittup suliap ingerlanneqarneranut allatigullu pisorta qarfinni sullissinermut atatillugu Naalakkersuisut akitsuusiinissamut aalajangersaasinnaapput.

Imm. 2. Imm. 1-imi allassimasunut akiliineq akitsuutitut akiligassanngortinneqartarsinnaavoq.

Kapitali 10

*Takornarissanut neqerooruteqarsinnaanermut akuersissutininik nakkutilliineq,
peqqussuteqarneq aammalu atorunnaarsitsineq*

§ 24. Naalakkersuisut takornarissanut neqeroorutininik, pisinnaatitsissummik piginnittunut, ingerlattanut allanullu inatsisartut inatsisaat una atorlugu ingerlanneqartunut nakkutilliisussaavoq.

Imm. 2. Nakkutilliineq pillugu Naalakkersuisut aalajangersaasinnaapput, tassunga ilanngullugu pisorta qarfinnut suliffeqarfinnullu Namminersorlutik Oqartussat kommunillu ataaniittunut nakkutilliineq ingerlateqqinneqarsinnaasoq.

§ 25. Naalakkersuisut pisinnaatitsissummik piginnittumut Inatsisartut inatsisaanni matumani aalajangersakkanik ukioqqutitsinerit aallaavigalugit aaqqiinissamut unitsitsinissamulluunniit peqqussuteqarsinnaapput.

Imm. 2. Naalakkersuisut takornarissanut neqerooruteqarsinnaanermut akuersissummik utertitsisinnaapput, takornariaqarnermik suliaqartup peqqussut arlaleriarluni tusaanngitsuusaarsimappagu.

Imm. 3. Takornariaqarnermut akuersissutinik utertitsisarneq pillugu Naalakkersuisut aalajangersaasinnaapput.

§ 26. Pisinnaatitaaffimmik piginnittup akuersissuteqarneq malillugu ingerlatsiunnaaruni, illunik, sanaartukkanik assigiinngitsunillu pisinnaatitaaffimmik piginnittup suliarisimasaanik kiisalu sumiiffinni pineqartuni ikkussuussimasaanik peersinissamut attuumassusilinnik Naalakkersuisut aalajangersaasinnaapput pisinnaatitsissullu aqutigalugu.

Imm. 2. Ingerlatsinissamut pilersaarummut imaluunniit ingerlatsinissamut pilersaarummi allannguinermi Naalakkersuisut akuersissuteqarnerminnut atatillugu § 17-imi allassimasut malillugit imm. 1-imi piumasaqaataasunut naammassinninnissamut pisinnaatitsissummik piginnittumut aalajangersaasinnaapput, tassunga ilanngullugu sillimmateqarnissaq. Allannguuteqartoqartillugu Naalakkersuisut piumasaqaatinik allaanerusunik aalajangersaasinnaapput, sillimmateqarnissamut attuumassusillit ilanngullugu.

Imm. 3. Pisinnaatitsissummik piginnittup aaqqissuussinissamut peqqussutit § 26 imm. 1-imi allassimasut eqquutsinngikkunigit, Naalakkersuisut pisinnaatitsissummik piginnittup akiligassaanik akisussaaffigisaasaanillu ingerlatsisinnaapput.

Kapitali 11

Pineqaatissiissutit

§ 27. Kinaluunniit piaaraluni imaluunniit annertuumik mianersugaalliornikkut ima iliortoq akiligassinneqarsinnaavoq:

- 1) Akuersissummik atuuttumik pigisaqarani takornarissanut akiliisitsilluni neqerooruteqarnikkut § 4, Imm. 1-mi allassimasunik unioqutitsisoq.
- 2) Pisortaqarfiit piumasaqatigisaannik paasissutissanik pissarsiarisinnaasaannik eqqunngitsunik paasissutissiinnikkut imaluunniit pututitsiniuteqarnikkut § 6 imm. 1-imi allassimasunik unioqutitsisoq.
- 3) Takornarissanut neqerooruteqarsinnaanermut akuersissut malillugu suliarineqartut pillugit nalunaaruteqartussaataitanermut atuutsitsinnginnikkut § 18 imm. 1-imi allassimasunik unioqutitsisoq.

Imm. 2. § 3-mi, § 4, Imm. 5-imi, § 6, Imm. 2-mi, § 15, Imm. 3-mi, § 16 aamma § 18, Imm. 2-mi allassimasut malillugit maleruqquneqartunut unioqutitsisoq Kalaallit Nunaanni pinerluttulerinermi inatsimmi atuuttumi malittarisassat malillugit akiliisitsineq pineqaatissiissutaasinnaavoq.

Imm. 3. Inatsisartut inatsisaanni maleruagassaniluunniit inatsisartut inatsisaat tunngavigalugu suliarineqarsimasuni akiliisitsiniarnermi akiligassaq inatsisitigut inunnut Kalaallit Nunaanni pinerluttulerinermi inatsimmi atuuttumi malittarisassat malillugit akiligassiissutigineqarsinnaavoq.

Imm. 4. Imm 1-mit 3-mut akiligassat tunniunneqartut nunatta karsianut nakkartinneqassapput.

Imm. 5. 4, *Imm. 1-mik*, § 6, *Imm. 1-mik*, § 18, *Imm. 1-mik* imaluunniit § 3-mi, § 4, *Imm. 5-imi*, § 6, *Imm. 2-mi*, § 15, *Imm. 3-mi*, § 16 aamma § 18, *Imm. 2-mi* allassimasut malillugit aalajangersakkanik unioqqutitsisut Kalaallit Nunaanni pinerluttulerinermi inatsimmi atuuttumi malittarisassat malillugit arsaarinnissuteqartoqarsinnaavoq.

Kapitali 12

Atortuulernerq ikaarsaanermullu aalajangersakkat

§ 28. Inatsisartut inatsisaat 1. januaari 2025 atortuulersinneqassaaq.

Imm. 2. Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat atorunnaarsinneqassaaq.

Imm. 3. Inatsisartut inatsisaata atortuulerfiani takornarialerisunut akuersissutit nalunaarutigineqartut atuutiinnassapput. Akuersissutit pineqartut Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaanni aalajangersakkat malillugit aalajangersarneqassapput. aallaavigalugit aningaasat annertussusaat ukiumut annertussuseq procentinngorlugu naleqqussaataasartussa qatorlugu aaqqiissuteqartoqartassaaq. Tamannalu siullermik pissaaq 1. januaari 2026.

Namminersorlutik Oqartussat, ulloq xx. xxx 2024

Naalakkersuisut siulittaasuat